

«Nus essan serrads en tranter macho e softy»

■ (rtr) Als umens manca in'identitat, pertge cun l'emanzipaziun da las dunnas è quella ida a perder, manegia Jöri Schwärzel, il co-president da l'uniun maenner.gr. La nova uniun vul gidar ils umens da chattar l'identitat, vul porcher posts da cussegliazion e star en per l'egalitat tranter um e dunna. Las dunnas hajan giustifitgadamaïn prendì davent la veglia identitat dals umens, dentant n'hajan ins betg definì ina nova, di Jöri Schwärzel, il co-president da l'uniun maenner.gr. Uschia ch'il chattar ina nova identitat stettia il mument en il center: insatge che saja per mintga um relativamain grev. Communablamain veglia l'uniun per umens perquai gidar als umens grischuns da chattar puspè ina identitat. «Nus essan serrads en tranter macho e softy – omadus na dastgan ins dentant betg esser», di Jöri Schwärzel. «Dentant, tge è lura in um?», sa dumonda el e concludea uschia: «Nus duvrain ina identitat» L'uniun dad umens maenner.gr è tenor statuts ina uniun d'utilitat publica, independenta da partidas e confessiuns ed averta per tuts interessads, um e dunna u tge identitat sexuala adina, che sustegnan las ideas, posiziuns e pretensiuns da l'uniun.

En gruppera chattar l'identitat

Tranter auter duain ils umens chattar pu-spè in'identitat en discurs ed activitatiads da gruppera. Uschia per exemplu en la gruppera da coc, nua ch'ils commembers da l'uniun s'entaupan ina giada il más per discuter sur da differents temas che fatschen-tan els. U en la gruppera per noviz: ina gruppera per mintg'in, nua che umens sa fatschentan cun l'esser um e cun dumon-das sco «la lavur che cuntenta», «chattar il bab en sa sez» ni «l'amicizia tranter umens». Sper organisar las gruppas dad umens, ni era posts da cussegliazion per umens, vul la nova uniun cunzunt era s'en-gaschar per ils interess dals umens e per l'egalitat da l'um e la donna.



La suprastanza da maenner.gr.

MAD

Umens n'hant nagina lobi fin ussa

«Igl è uschia ch'ils umens n'hant gî nagina lobi fin ussa, pertge ch'ins ha gî il sen-timent che l'um è a la pussanza e che tut giaja bain», di il co-president da l'uniun dad umens maenner.gr. La nova uniun tutgia tar quella organisaziun, che veglia ensemen cun las dunnas procurar per equalitat tranter um e dunna. Las dunnas sajan bain vegnidias fitg lunsch cun lur pretensiuns per dapli equalitat tranter ellas ed ils umens. Il mument stagne-schian quellas dentant. Mo già sch'ins guardia l'entira discussiun da la paja, nua ch'ellas survegnian anc adina pli pauc ch'ils umens e ch'ellas hajan era tutta ra-schun da sa lamentar. La inequalitat na

pertutgia dentant betg adina mo las dunnas, mabain mintgatant era ils umens.

Congedi, pensiun da vaivs e divorzi

Uschia per exemplu tar il congedi da pa-ternitad, nua che l'um haja en il Gris-chun per regla anc adina mo in di con-geди da bab. Auters secturs nua che l'uni-un veglia s'engaschar per ils umens saja per exemplu tar la pensiun da vaivs, e tar problems tar divorzi: pertge per la gronda part survegnian anc adina las dunnas ils uffants cunquai che l'um saja à per il pli a lavurar. Per Jöri Schwärzel, il co-pre-sident da l'uniun maenner.gr èsi dentant cler: «Avantatgs e dischavantatgs dat quai per omadus, per um e per dunna. La no-

va uniun per umens en il Grischun na duess betg dar in signal fallà envers las dunnas.»

Um duai era desister da privilegis

En emprima lingia giaja quai per furmar ina societad, nua che um e dunna hajan ils medem dretgs. L'idea saja d'avair ina societad, nua ch'in pèr che veginia ense-men, sappia decider libramain sche l'um u la dunna giaja a lavurar e tgi che guardia dals uffants. «Auter che las femi-nistas avain nus dentant er il focus sin l'um.» L'um duaja survegnir ils medems dretgs sco la donna, stoppia dentant era dar giu da ses dretgs, da ses privilegis ch'el haja.